

Aktuelt frå Opplæringslova

Opplæringslova er ei lov som handlar om rettar og plikter i samband med opplæring og skulegang i Noreg. Reglar som utfyller lova, er gjeve i *forskrift til opplæringslova*. Saman med læreplanen Kunnskapsløftet gjev opplæringslova og forskrifta dei formelle rammene for kva opplæringa skal innehalde og korleis den skal gå føre seg. Lova i heilhet finn ein på www.lovdata.no

I eit heim-skule-perspektiv er det nokre kapittel det er viktig å vere klar over:

- **Kap. 1** blir innleia med kva som er **formålet med opplæringa**. Det står i § 1-1 at opplæringen skal skje i "samarbeid og forståing med heimen". Her ligg grunnlaget for foreldra sitt ansvar og deira medverknad i skulen. Det står vidare i §1-3 at alle elevar har krav på å få opplæring i samsvar med sine evner og føresetnader.

- **Kap. 5** handlar om **spesialundervisning**. Foreldre kan krevje at skulen undersøker om eleven treng spesialundervisning. Før barnet blir henvist til PPT (pedagogisk-psykologisk teneste) må dei føresette gje sitt samtykke. Foreldra må også gje samtykke om at det blir gjort vedtak om å setje i gang spesialundervisning.

- **Kap. 9a** handlar om **elevane sitt skulemiljø**. Her står det at alle elevar har rett til eit trygt og godt skulemiljø som fremjar helse, trivsel og læring. Alle som arbeider på skulen, skal følgje med på om elevane har eit trygt og godt skulemiljø, og gripe inn mot krenking som mobbing, vald, diskriminering og trakassering dersom det er mogleg. Skulen skal drive eit aktivt og systematisk arbeid for å fremje helsa, miljøet og tryggheten til elevane.

- **Kap. 11** handlar om **brukarmedverknad i skulen**. Her er alle rådsorgana lista opp. Alle foreldre som har barn ved skulen, er medlemmer av skulens foreldreråd. Foreldrerådet vel eit arbeidsutval (FAU). To medlemmer av FAU er representert i samarbeidsutvalet. Alle skular skal ha eit skulemiljøutval og her skal elevar og foreldre vere i fleirtal. Skulemiljøutvalet skal arbeide spesielt med å følgje opp kap. 9a og alt som har med skulemiljøet å gjere.